



Notat

Dato: 08.09.2015
Arkivsak: 2015/6660-5
Saksbehandlar: gurklyv

Til: Fylkesutvalet

Frå: Fylkesrådmannen

Krav frå Bergen kommune om tilbakeføring av eigedomar under punkt 8 i Angeravtalen - mottak av stevning

Bergen kommune har ved stevning til Bergen tingrett av 30.06.2015 saksøkt Hordaland fylkeskommune med «Krav om oppfyllelse av avtalt tilbakefall for eiendommer som ble overført ved opptak av Bergen i Hordaland fylke under Angeravtalens punkt 8».

Kommunen har i stevningen kravd vederlagsfri tilbakeføring av eigedomsretten og overskøyting av skuleeigedomane Margaretastedet 2, Haugeveien 28 og Kalfarvei 2.

Når det gjeld eigedomar som tidlegare var eigd av stiftinga Vestlandsheimen, har kommunen kravd å få overført grunnboksheimelen til ein andel på 2/5 av eigedomane gnr. 199 bnr. 128, gnr. 199 bnr. 208 og gnr. 170 bnr. 17. I tillegg har kommunen sett fram krav om erstatning for tap som dei meiner kommunen har blitt påført ved at fylkeskommunen har selt eigedomar i strid med Angeravtalen.

I brev frå Bergen tingrett av 07.07.2015 til Hordaland fylkeskommune har fylkeskommunen fått pålegg om tilsvar. Opprinneleg frist for tilsvar er forlenga til 16.09.2015.

Advokat Kenneth Steffensen, Advokatfirmaet Thommessen AS, er engasjert som prosessfullmektig for fylkeskommunen.

Vår prosessfullmektig vil følgje opp saka og sende tilsvar til Bergen tingrett innan tilsvarsfristen.